

中華民國三十五年八月

中國騎兵戰史資料

軍事委員會軍訓部

後漢騎兵戰史

# 三國騎兵戰史目錄

1 該時戰爭騎兵重要之證明

2 官渡之戰

一、曹操割據之大勢

二、袁紹割據之大勢

三、戰爭起因

四、戰役經過

五、概評

3 赤壁之戰役

一、操南侵劉表之情勢

三國騎兵戰史

三國騎兵戰史

二、孫劉合兵拒操之商討

三、戰役經過

四、概評

# 三國時騎兵戰史

孫秉辰編擬

## 該時代戰爭騎兵重要之證明

三國歷史之中，赤壁之戰，最爲著名，而且精彩，然非孫權毅然拒操，便難產生三國鼎立之局，故赤壁之役，實爲該時代之一大關鍵，在赤壁戰爭以前，羣雄紛擾之時，有一次重要戰爭，爲官渡之戰，此後有劉備據蜀，及荆州的爭奪戰，復有虎亭祁山陰平長江之各大戰爭，綜觀該時代之各戰役，其使用之兵種，以騎兵爲重，步兵次之，查後漢書百官志，第一大將軍，次驃騎將軍，次車騎將軍，次衛將軍，次前後左右將軍，大將軍掌握最高政權，位在三公之上，在三國時曹操迎獻帝入許，因爲力量不足，將大將軍一席，讓於袁紹，退居爲司空，著住驃騎將軍，又韓暹楊奉劫奪獻帝還洛陽，韓暹自稱大將軍，駐軍京師，楊奉爲車騎將軍，駐臨汝，此以官位證明該時代著重騎兵者，復

### 三國騎兵戰史

#### 四

查史劉備初爲平原相，以羽飛爲別部司馬，分統部曲，後見趙雲，因而奇之，深加接納，雲遂從備，爲備主騎兵，又曹操東擊呂布，布因迫而降，布見操曰，明公之所患布耳，今已服矣，若令布將騎，明公將步，天下不足畏也，操命緩布縛，因備言操悟，因縱殺之，由此數端，知該時代之戰役，皆騎兵重要，有以成之也。

## 官渡之戰

### 一、曹操割據之大勢

曹操先爲何進帳下典軍校尉，後從紹討伐董卓，與董卓部將徐榮接戰失利，乃回家鄉，謁楊州刺史陳溫，准許募兵，到處肅清黃巾餘黨，在此期間，（漢獻帝初平元年到典平二年）山東南部河南部，黃巾尤爲猖獗，人數達百萬以上，操部將陳宮，因說濟北相鮑信等，迎操領兗州刺史，進擊黃巾於壽張之東，（山東東平縣西南）乘勝追擊，至濟河以北，進入青州地界，俘虜三十餘萬，選其精銳收編，號爲青州兵，從此曹操成爲軍事舞台上重要角色，足以與袁紹袁術劉表等人相頡頏，時（建安元年）楊奉韓暹奉車駕至雒陽，操往許謀迎天子，以從人望，會董承患逆矜功恣肆，因濟召操，操將兵詣雒陽，擊破楊奉等，奉車駕東遷於許，始立宗廟，自是政權歸諸曹氏，破袁術，征陶謙，降

呂布，擊潰劉備於徐州，當時曹操據有河南大半部，及山東南部，稱爲中原，劫天子令諸侯，天下已非漢室所有矣。

## 二、袁紹割據之大勢

袁紹在漢靈帝時，爲中軍校尉，阻董卓廢立事，懼罪出奔冀州，董卓構求袁紹甚急，其謀士進言曰，紹恐懼出奔，非有他志，今急構之，必爲他變，且袁氏樹恩四世，門生故吏編天下，若收豪傑，以聚徒衆，則山東非公所有也，不如赦之，拜一郡太守，紹喜於免罪，必無患矣，卓拜紹爲渤海太守，初平元年，關東州郡，起兵討卓，推袁紹爲盟主，紹屯河內，豪傑多歸，二年紹逐冀州牧韓馥，後復擊破公孫瓚，敗田楷，及并州散寇，領有冀青幽并四州之地，地廣兵多，足以與羣雄爭衡天下。

## 三、戰爭起因



初操擁獻帝，詔書下紹，責以地多兵廣，不聞勤王之師，但擅相討伐，紹上書陳述，乃表紹爲太尉，紹因操昔日，徬徨東顧，蹈據無所，班在操下，甚以爲恥，辭不受，現擁四州之地，兵多將廣，故屢欲攻許，而曹操志在平定宇內，以成大業，奈當時南有劉表，東有孫策，欲加兵討伐，而慮紹之侵擾，會紹與操書，辭語驕慢，於是定破紹之策，官渡之戰，因而起矣。

#### 四、戰役經過

建安四年，袁術遣使歸帝號於袁紹，紹益驕，簡精兵，欲攻許，沮受諫曰，救亂誅暴，謂之義兵，恃衆憑強，謂之驕兵，義者無敵，驕者先滅，且神算之策，不在強弱，曹操法令既行，士卒精練，今棄萬安之術，而興無名之師，竊爲公懼之，紹不聽，卽遣使約孫策出兵合肥，約劉表出兵南陽，簡集步騎十萬，由鄴出發，直指許昌，遣其大將顏良攻劉延於白馬，操方擊備，進拔下邳，是時還軍官渡，北救劉延，顏良來逆戰，操

使張遼關羽先登擊之，羽望見顏良磨蓋，策馬刺良於萬衆之中，斬其首而還，紹軍莫能當者，白馬之圍遂解，紹乃親統大兵，改渡黎陽津，進駐於延津之南，大將文醜率騎五六千，追來挑戰，操陳輜重餌敵，亦率騎縱擊大破之，遂斬文醜，良醜皆紹之良將，兩戰被斬，紹軍氣奪矣，而操終以衆寡懸殊，一退再退，至於官渡，紹進駐陽武，操分營堅壁，紹軍逼臨官渡，依沙堆爲屯，東西數十里，時操慮衆少糧盡，欲還許，或報曰，紹悉衆聚官渡，欲與公決勝敗，公以至弱當至強，若不能制，必爲所乘，是天下之大機也，彼情見勢竭，必將有變，此用奇之時，萬不可失，操納其旨，仍堅壁與之持，紹用樓車進攻，操以石彈砲擊破之，號稱霹靂車，紹復掘地道以擊操軍，操於陣內掘長塹以拒之，紹與操軍相持間，表與策均未出兵，紹先遣人求助於表，表許之，竟不至，孫策方定江東，欲乘虛襲許，部署未發，會先所殺吳郡太守許敢奴客，因其出獵，伏篋竹中射之，中頰創甚而卒，遂能襲許之舉，是時劉備糾合黃巾餘黨，擾亂曹後，以襲許，爲苟彧遣曹仁所擊破，官渡之戰，由建安五年春，相持至冬十月，雙方均感窮困，疲乏，

時袁紹運糧車數千乘至，遣將淳于瓊將兵萬餘，北迎運車，沮受諫曰，可遣將蔣奇，別爲支軍，以斷操之抄，紹不從，淳于瓊迎糧車，宿於烏巢，（去紹軍四十里）操聞訊留曹洪守營，自將輕騎五千，用袁軍旗幟，馬銜枚，從間道出，所經道路有問者，語之曰，袁公恐曹操抄襲，後軍遣兵以備之，會明至，瓊等見曹軍少，出陣以待，操急擊，瓊退保營，遂進攻之，大破瓊軍，盡焚其糧穀，紹初聞曹擊瓊，謂長子譚曰，就彼攻瓊，吾攻其營，據之，彼固無所歸矣，乃遣張郃高覽攻曹洪，郃等於半途，見後方起火，瓊軍爲操擊破，乃乘機投曹，紹軍大潰，紹與譚率八百騎，渡河北走，操追之不及，官渡戰後，大局穩定，未二年紹嘔血死，諸子及甥分據其地，未五年青州袁譚，幽州袁熙，冀州袁尚，并州高幹，均依次爲操所消滅，操遂擁有兗豫徐冀青幽并七州之地，此外復有揚州荊州各一部份，操志在統一宇內，今已取天下之大半，漢室至是，亦寄生之君耳，惜哉。


## 概評

1 袁紹據河北，兵力雄厚，有取天下之勢，惜其矜復自高，短於從善，爭恨小故，忿怒不忍，復恃疆域之廣，矜人民之衆，屢欲示威於敵，不從沮受之諫，興無名之師，取敗於官渡，致滅於曹氏，誠爲可惜，噫亦愚矣哉。

2 該役操以衆寡懸殊，一退再退，至於官渡，堅壁分營以抗紹軍，此時紹徒擁兵衆，不設奇進擊，屯兵對峙，使操得以喘息，以許昌兵力物力從容補充，致遭後來之敗，此紹失用兵之大道也，紹運糧至烏巢，去袁軍四十里，曹以輕騎迂迴，需一夜之功夫，抄擊成功，足證當時騎兵之快速活躍，噫，操亦善於運用騎兵者也。

3 該役紹約孫策劉表出兵，策在部署未發之時，被刺，因而罷兵，此非紹謀之不周，抑操之幸運使然歟，惟兵力強而地域廣之劉表，在權臣擅命，帝室將傾之時，不能出兵匡國，今復背約，坐觀成敗，徒慕愛民養士之名，可謂不知時務矣。

# 官渡之戰略圖



## 赤壁之戰役

### 一、操南侵劉表之情勢

劉表據荊州，擁有兩湖地，招攬賢士，深得民心，在曹袁相持之時，劉備往說劉表襲許，表不從，失千載一時之機，備從此寓據荊州，駐防新野，建安十三年七月，操南征劉表，表因大敵壓境，疽發背死，次子琮代立，蒯越等曰，逆順有大體，強弱有定勢，以人臣而拒人主，逆道也，以新造之楚，而禦中原，必危也，願將軍自料何如，九月操至新野，琮遂舉州降，時劉備屯樊，聞琮降而操已在宛矣大驚，呼部曲共議，或勸備攻琮，荊州可得，備曰劉荊州危亡，託我以孤遺，背信自濟，吾所不爲，將其衆南去，過襄陽，人多歸備，比到當陽，衆十餘萬，輜重數千，兩日行十餘里，別遣關羽乘船數百艘，使會江陵，時操大軍猛追，諸將謂備曰，宜速行，保江陵，今雖擁衆，被甲者少

，若操兵至，何以拒之，備曰濟大事者必以人爲本，今人歸吾，何忍棄去，操以江陵有軍實，恐劉備據有，乃釋輜重，輕軍到襄陽，聞劉備去遠，乃別遣精騎五千，往追之，一日一夜行三百餘里，及於當陽之長板，向備軍襲擊，備軍大敗，時趙雲護眷屬，爲敵騎衝散，雲抱備子禪，銜殺敵陣中，曹軍兵將，莫能當，備與諸葛亮等數十騎南走，張飛將二十餘騎，拒後，曹兵卒至，飛據水斷橋，瞋目橫矛大呼曰，燕人張翼德在此，可來共決戰，操兵無敢近者，劉備斜趣漢津，與羽船會得濟沔，遇劉琦將萬餘人來迎，遂與俱到夏口，共商應付之策，操進軍江陵，將順江東下，氣吞東吳矣。

## 二、孫劉合兵拒操之商討

初魯肅聞劉表卒，因言於孫權曰，荊州與國隣接，江山險固，沃野萬里，士民殷富，若據而有之，此帝王之資也，請往說劉備，使撫表衆，共治曹操，會備南走，肅迎之於當陽長板，謂備曰，孫討虜敬賢禮士，兵精糧多，足以立事，今爲君計，莫若遣腹心

，自結於東，備用肅計，進往鄂縣之樊口，時操自江陵，將順江東下，諸葛亮曰，事急矣，請奉命求救於孫將軍，遂與魯肅詣孫權，亮說權曰，海內大亂，將軍起兵江東，劉豫州收衆漢南，並與曹操並爭天下，今操芟夷大難略已平矣，遂破荊州，威震四海，英雄無用武之地，故豫州遁逃至此，願將軍量力而處之，若能以吳越之衆，與中國抗衡，不如早與之絕，若不能，何不北面而事之，權曰劉豫州何不遂事之乎，亮曰田橫齊之壯士耳，猶守義不辱，況劉豫州王室之胄，英才蓋世，安能爲之下乎，權勃然曰，吾不能舉全吳之地，受制於人，吾計決矣，非劉豫州莫可以當曹操者，然豫州新敗之後，安能抗此難乎，亮曰今戰士還者，及關羽精甲萬餘人，劉琦合江夏戰士亦不下萬人，曹操之衆，遠來疲敝，聞追豫州輕騎一日一夜行三百餘里，此所謂強弩之末，勢不能穿魯縞者也，故兵法忌之曰，必蹶上將軍，北方之人，不習水戰，又荊州之民附操者，偪兵勢耳，非心服也，今將軍誠能與豫州協規同力，破曹軍必矣，操軍敗則荆吳之勢強，鼎足之形成矣，成敗之機，在於今日，權大悅，時操遣權書曰，近者奉辭伐罪，旌旄南指，劉



琮束手，今治水軍八十萬衆，方與將軍會獵於吳，權以示羣下，莫不失色，長史張昭等曰，將軍大勢，可以拒操者，長江也，今操得荊州，長江之險已與我共之矣，且衆寡不敵，不如迎之，魯蕭獨不言，權知其意，問之，肅密言於孫權曰，向察衆人之議，不足與圖大事，願早定大計，時周瑜至番陽，肅勸權召瑜還，瑜至謂權曰，操雖託名漢相，其實漢賊也，將軍割據江東，兵精足用，當橫行天下，爲漢家除殘去穢，況操自送死，而可迎之也，請爲將軍籌之，今北土未平，馬超韓遂尙在關西，爲操後患，而操舍鞍馬，仗舟楫，與吳越爭衡，又今盛寒，馬無藁草，驅中國士衆，遠涉江湖之間，不習水土，必生疾病，此數者，用兵之患也，瑜請得精兵五萬人，保爲將軍破之，權曰老賊欲廢漢自立久矣，徒忌二袁呂布劉表與孤耳，今數雄已滅，惟孤尙存，孤與老賊，勢不兩立，君言當擊，此天以君授孤也，因拔刀斫案曰，諸將吏敢復有言當迎操者，與此案同，遂決與瑜兵，而赤壁之戰起，老瞞喪長驅之胆也。